

## 255.

*Erneuerung der Reformation der medicinischen Fakultät.*

[Zwischen 1506 u. 1537.]

*Hdschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 50.*

Als inn nechster reformation die wir mit zceitigem rate zu besserung dieser loblichen universitet ordnung und reformation aufgericht, befinden wir demselbenn nicht 5 allenthalbenn gelebt unnd nachgegengenn. Darumb wollenn wir das sollichs wie auf die zeit vonn unns geordent vestiglich gehalten unnd nachgegengenn unnd zu besserung derselbenn universitet die ordnung hiemit wie folgende verbessert habenn.

Die ertzte belangende.

Nachdem wir inn iungster reformation geordent, das die doctores der ertzney ire 10 lection mit vleis außwartenn, persönlich ader durch eynen tuchtigenn doctor bestellenn, bfinden wir das derselbenn reformation nicht gelebt unnd das die doctores irer lection nicht außwartenn unnd durch andere ire lection, darzu die schuler nicht andacht habenn, bestellenn. Darumb so wollenn wir das dieselbenn doctores ire lectiones selbs außwartenn sollenn unnd durch andere zu bestellenn uber acht tag nicht solle zugelassen 15 werdenn, doch das solche zulassung des iares nicht uber dreymal beschehe.

Dieselbigenn doctores sollenn ire lectiones continue lesenn wenne man zu lesenn pflegt, unnd welcher seine lection an ehehaft vorseumbt ader durch eynenn andern nicht bestellet, der sol so oft das beschiecht eynen halben gulden zu buse geben. Und sall keyne vacantz dan inn der marterwochen, osterwochenn, pfingstwochen, weyhnachten 20 unnd die drey tag inn der faßnacht sampt der gebotenn feyertag gehalten ader gemacht werdenn.

Es sollen auch hinfurder in examine bey iren eydenn gutter vleis vorgewendt werden, das redliche, wolgelerte personen unnd die zuvor magistri artium seind aufgenommen unnd ungelarte reiiert werden.

25

So publici actus, doctores, licenciaten adder baccalaureen zu promoviren vorhanden, so sollenn alle doctores in irenn habit wie sie promovirt sein darbey erscheynen, unnd welcher ane ehehaft absens, der soll inn eynen halbenn gulden pene gefallen sein, dergleichen soll derihenige so zu dem actu ane habit komen wirdt gestrafft und locum nicht gegeben werden.

30

## 256.

*Erneuerte Reformation der Artistenfakultät.*

[Zwischen 1506 u. 1537.]

*Hdschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 187—192.*

Als in nechster reformation die wir mit zeittigem rat zu besserung diser loblichen 35 universitet ordnung und reformation auffgericht, befinden wir demselben nicht allennt-